

Headline	BR1M bukan gula- gula PRK Kajang		
MediaTitle	Sinar Harian		
Date	23 Feb 2014	Language	Malay
Circulation	160,000	Readership	509,000
Section	Nasional	Color	Full Color
Page No	6	ArticleSize	105 cm ²
AdValue	RM 1,335	PR Value	RM 4,005



BR1M bukan 'gula-gula' PRK Kajang

SHAH ALAM – Pemberian BR1M 3.0 yang diagihkan sejak semalam, bukan 'gula-gula' daripada kerajaan sempena PRK Dun Kajang, 23 Mac ini.

Pakar Ekonomi Pusat Pengajian Ekonomi, Kewangan dan Perbankan, Universiti Utara Malaysia (UUM), Prof Datuk Dr Amir Hussin Baharuddin berkata, sebaliknya BR1M telah lama dirancang oleh kerajaan sebagai sebahagian pakej tanggungjawab sosial yang mampu memacu ransangan ekonomi.

"Sewaktu BR1M mula-mula dilancarkan, tiada siapa tahu (Datuk Seri) Anwar (Ibrahim) akan bertanding di Kajang. Jadi, tidak timbul isu mengatakan BR1M adalah 'gula-gula' untuk PRK Kajang.

"Rakyat perlu faham pemberian BR1M ini mampu menggalakkan pertumbuhan ekonomi negara pada masa depan. Jika kerajaan tidak mengambil tindakan sekarang, tidak akan membuahkan hasil," katanya.

Semalam, Perdana Menteri, Datuk Seri Najib Tun Razak melancarkan BR1M dan I-BR1M 2014 meliputi peruntukan RM4.5 bilion kepada lebih 7 juta penerima.

Mengulas lanjut, Amir Hussin berkata, pertambahan BR1M secara berperingkat sehingga RM1,200 dalam tempoh lima tahun kelak akan menyumbang kepada aliran tunai negara.

"Apabila pendapatan isi rumah bertambah menerusi BR1M, kuasa beli juga meningkat. Ini sekaligus akan menggalakkan perkembangan ekonomi negara," katanya.